

## Man se outoriteit en verantwoordelikheid

Wat leer die Woord van God – net die Skrif het die antwoord, waarvoor ons afgesonder is om dit onvoorwaardelik, nederig te aanvaar.

Die kern van ons standaard en die fondasie van alles wat waar is, lê in **die skeppingsdoel van die wêreld en die mens**. Die mens se rol in die samelewing en ook sy huis kan verstaan word slegs uit sy rol in die skepping.

Ons standaard is dus nie die van Yisra'el of van die Jode nie, maar **van die Skrif wat waar is vir alle tye**.

**Satan het die miskenning van sy outoriteit reeds in Adam geplaas** en dit is waaruit die man sy rol oor die eeue heen gevorm het. Deur sy outoriteit weg te neem en aan die vrou te gee, het hy die man laks gemaak om sy outoriteit toe te pas. Dit is amper onmoontlik vir die man om sy rol en outoriteit te verstaan as ons nie teruggaan na die Skrif en God se oorspronklike standaard nie. Dit is so dat die man nie sy outoriteit geneem het nie en die situasie aangeblaas het deur verkeerde outoriteit (baasskap en oorheersing) te neem, wat nie deur God gegee is nie.

Ek en jy het die verantwoordelikheid **om ons oorspronklike outoriteit te verstaan en terug te neem**. Kom ons kyk.

Die skepping was uitsluitlik God se werk tot Sy eer en lof. Hy het Sy Koninkryk op die aarde kom vestig en die mens (man) geskep om daarvoor te heers.

**Gen 1:26** God het gesê: “Laat Ons die mens **maak na Ons beeld**, net soos Ons en **laat hulle heers** oor die visse van die see, die voëls van die hemel, die vee en oor die hele aarde en oor al die diere wat op die aarde beweeg.”

**Efe 2:10** want ons is Sy skepsele, wat geskape is in Die Gesalfde Een, Yeshua, vir **die goeie dade wat God van die begin af vir ons voorberei het om in te leef**.

**Open 5:10** en U het hulle, vir ons God se Koninkryk, priesters en konings gemaak en **hulle sal oor die aarde heers**.”

Ons is geskep na die beeld van God en met ons wedergeboorte herskep in Yeshua wat daardie beeld gedra het om dit te doen wat Hy van die begin af vir ons beplan het totdat ons weer volkome saam met Hom heers. Dit is nog altyd dieselfde – niks daarvan is vir 'n sekere tydperk nie.

Die man is **geskep na die beeld van God** om te wees soos Hy en net so ook die vrou.

Met ander woorde: Die gelykheid van die man en vrou lê in die karakter en standaard om te wees soos en te lyk soos HY. Dit kan ons net wees in volkome gehoorsaamheid.

**Gen 1:27** God het die mens geskep na Sy beeld; na die beeld van God het Hy hom geskep; man en vrou het Hy hulle geskep.

God is egter ten volle vervuld en volledig in Homself en dit kon die mens (man) nie wees nie.

God het geen behoefte / begeerte nie, maar die mens het die behoefte aan 'fellowship' van die begin af, asook 'een soos hy' om die "vermenigvuldigings-opdrag" uit te voer.

**Gen 1:28** God het hulle geseën en God het vir hulle gesê: “Wees vrugbaar en vermeerder en vul die aarde, onderwerp dit en heers oor die visse van die see, die voëls van die hemel en oor al die diere wat op die aarde beweeg.”

Met ander woorde: Die man en vrou het saam die opdrag ontvang om te vermenigvuldig (elkeen in sy / haar rol) en te heers oor die natuur en skepping, weereens binne elkeen se rol. Die man het die name bepaal = die karakter oor hulle uitgespreek en het dus die volle outoriteit daarvoor, die vrou steeds in haar skeppingsrol as hulp. Die man het ook die vrou se naam gegee. Dink bietjie daarvoor asb.

Eers die 'fellowship' met sy Skepper en daarna met sy soort / wat is soos hy. God het voldoen aan hierdie behoefte tot 'fellowship' deur tyd met Adam te spandeer asook die vrou te skep om die 'fellowship' met sy soort te vervul.

Ons moet die skeppingsrol van die man en vrou duidelik verstaan en onderskei.

Sonde het gekom omdat Havah (Eva) outoriteit geneem het – maar eerder nog meer **omdat Adam nie sy outoriteit laat geld het nie** en dit is steeds die probleem. Kom ons toets dit: **neem jy die geloofs en dade besluite en voer dit deur volgens God se Woord en opdragte?** Die man het die opdrag tot geestelike leierskap en voorloop in God se standaard. Wat is ons verskoning?

Adam – Havah (Eva) – sonde is die gevolg en Satan se koninkryk word vasgestel. **Ons moet dit omkeer**.

Avraham – Sarah – Ishma'el en die ewige stryd teen Yisra'el is die gevolg van goeie bedoelings.

Izevel – Agav – Die man van God word al hoe meer vervolgd en Agav word al hoe swakker. Sy word tog vernietig.

Jy het 'n skeppingsroeping tot outoriteit en God se oordeel tot gevolg as ons dit nie doen nie.

**Open 2:20-21** maar Ek het baie teen jou, want jy laat jou vrou, Izevel, wat van haarself sê dat sy 'n profetes is, toe om My diensknegte te leer en hulle te mislei om seksueel immoreel te wees en om offers aan afgode te eet  
**21** en Ek het haar tyd gegee om te erken en weg te draai na God toe en sy het gekies om nie van haar seksuele immoraliteit af weg te draai nie.

Dit gaan nie net oor die Izevel as Hoerkerk nie, maar is ook letterlik oor die vrou wat toegelaat word om te leer en mense te verlei deur die rol van die sekse om te ruil en die man te mislei om teen God se wil te gaan, wat met geestelike hoerery, of die navolg van 'n ander god se wil, vergelyk word.

Die geestelike realm opereer onder sekere wette – net soos die huis.  
Satan of enige van sy diensknegte kan slegs van jou steel of inbreek as jy 'n deur ooplos.

Die man is hoof van sy huis en dus die sterkman wat dit moet beskerm.  
Dit is jou verantwoordelikheid om jou huis te beskerm en daarvoor te sorg. Dit doen hy deur die deure toe te hou. Nie toe te laat dat satan of enige van sy diensknegte inkom om te vernietig nie.  
Jy hou die deur toe deur die outoriteit te neem en in volle gehoorsaamheid aan God se wil en Woord te leef.

**Deut 6:6-9** Hierdie woorde wat ek jou vandag beveel, moet in jou verstand, wil en emosie wees. **7** Jy moet dit ywerig vir jou kinders leer en daarvoor praat as jy in jou huis sit, as jy op pad is, as jy gaan lê en as jy opstaan. **8** Jy moet dit as 'n teken bind op jou hand en dit moet as 'n voorkopband tussen jou oë wees. **9** Jy moet dit op die kosyne van jou huis en op jou hekke skryf, - **God se standaard moet in my huis geld!**

**Mark 3:25-27** en as 'n huis teen homself verdeeld is, is dit nie moontlik vir daardie huis om staande te bly nie **26** en as hy wat die teëstander is teen homself opstaan en verdeeld is, is dit nie moontlik vir hom om staande te bly nie, maar dit sal sy einde wees. **27** Niemand kan in die huis van 'n sterk man ingaan en sy waardevolle besittings roof as hy nie eers die sterk man vasbind nie en dan kan hy sy huis beroof.

**Luke 11:21-23** Wanneer 'n sterk man, goed bewapen, sy huis bewaak, is sy besittings in vrede en oorfloed, maar wanneer een kom wat sterker as hy is en hom oorwin, neem hy al sy wapens, waarop hy vertrou het, weg en deel sy buit uit. Hy wat nie saam met My is nie, is teen My en hy wat nie saam met My bymekaarmaak nie, verstrooi.

Wanneer 'n sterk man ('n outoriteit met verantwoordelikheid oor sy huis)  
goed bewapen (met die Woord van God, wat in afhanklikheid en regverdigheid loop),  
sy huis bewaak (sy familie lei om gehoorsaam te leef) (sy eie huishouding, vrou kinders en besittings beskerm);  
is sy besittings in vrede en oorfloed (sal sy familie in eenheid, veilig en versekerd rustig en sy besittings veilig wees),  
maar wanneer een kom wat sterker as hy is (Satan hom direk of deur 'n persoon oortuig om teen die wette of opdragte van Vader te gaan )  
en hom oorwin (deur misleiding hom oortuig om ongehoorsaam te wees en sy familie in onreg/ wetteloosheid gebind te hou),  
neem hy al sy wapens (die Waarheid van die Woord van God)  
waarop hy vertrou het, weg en deel sy buit uit (deel sy huishouding uit om deur Satan gesteel, vernietig en dood gemaak te word.) – Yog 10:10).  
Hy wat nie saam met My is nie (wat nie saam met Yeshua in geregtigheid loop volgens Sy lewenswyse nie) ,  
is teen My (nie deel van die Koninkryk van God nie en loop in ongehoorsaamheid),  
hy wat nie saam met My bymekaarmaak nie (wie se getuienis ook ander kan oortuig van die waarheid nie)  
verstrooi (jaag mense weg van die waarheid af en verstrooi die kudde).

Die mans het ook die verantwoordelikheid vir die welstand van hulle families:  
**hoofsaaklik om hulle te lei deur die riglyne van die Waarheid van die Skrif**, deur hulle daaglik te was met die Skrif en vir hulle die voorbeeld te stel hoe om te leef.  
Om hulle lief te hê en hulle te versorg, te beskerm en vir hulle te voorsien.

Haar reaksie en teenkantiing mag jou nie laat verander om nie Vader se wil te doen nie. Dit sal moeilik wees, maar die onus van ongehoorsaamheid rus dan op haar en nie op jou en jou huis nie.

Die mans moet terugkeer na gehoorsaamheid aan die Waarheid van die Woord en Sy standarde.  
Verwerp die standarde en tradisies van mense.  
Wees getrou aan Vader en aan jou vrou op dieselfde manier.

**Mat 7:21-26** **21** Nie elkeen wat vir My sê: ‘My Meester, my Meester,’ sal ingaan in die Koninkryk van die hemel nie, maar hy wat die wil van My Vader, wat in die hemel is, doen. **22** Op daardie dag sal baie vir My sê: ‘My Meester, my Meester, het ons nie in U Outoriteit en Karakter (Naam) geprofeteer en in U Outoriteit en Karakter demone uitgedryf en in U Outoriteit en Karakter baie kragtige daede gedoen nie?’ **23** Dan sal Ek vir hulle sê: ‘Ek het van die begin van tyd af nie met julle ’n verbondsooreenkoms gehad nie. Gaan ver weg van My af, julle wat teen die wet werk!’ **24** Elkeen wat daarom na hierdie boodskappe van My luister en dit doen, sal vergelyk word met ’n wyse man wat sy huis op ’n soliede rots bou **25** en die reën het geval en die waterstrome het aangestorm en die winde het teen daardie huis gewaai en dit het nie geval nie, want sy fondament was op die soliede rots. **26** Elkeen wat hierdie boodskappe van My hoor en dit nie gehoorsaam nie, sal vergelyk word met ’n dwase man wat sy huis op sand bou

**Deut 29:29** Die geheime dinge behoort aan יהוה, ons God, maar die geopenbaarde dinge behoort aan ons en ons seuns tot in ewigheid **dat ons al die woorde van hierdie wet moet hou.**

**Deut 12:28** Let op en **gehoorsaam al hierdie woorde wat ek jou beveel sodat** dit met jou en jou seuns ná jou goed kan gaan, vir altyd, as jy doen wat goed en reg is in die oë van יהוה, jou God.

**Vaders en manne – die grootste geskenk wat jy vir jou vrou en kinders kan gee, is om hulle volgens die Waarheid van die Skrif te lei deur die wette van Vader יהוה te hou en te doen sodat dit met julle goed mag gaan en julle geseën sal wees. Dan ook met hulle tyd te spandeer rondom die Woord om Vader se wil en Koninkryk te leer ken en te verstaan en Sy opdragte te leer om dit te kan uitvoer.**

**Deut 28:1-2** Nou sal dit wees, as jy יהוה, jou God, ywerig gehoorsaam, deur versigtig te wees om al Sy opdragte, wat ek jou vandag beveel, te doen, יהוה, jou God, jou sal oplik bo al die nasies van die aarde. **2** Al hierdie seëninge sal oor jou kom en jou oorweldig as jy יהוה, jou God, gehoorsaam: